



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

Tit. 17. De Raptoribus & incendiariis & violatoribus Ecclesiarum.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

tur, qui consanguineis vel affinibus intra gradus prohibitos abutuntur, seu cum eis concubunt, can. Lex illa xxxvi. q. 1. can. De incestuosis xxxv. q. 2. Unde & nuptiae inter hos contractae incestuosa appellantur, Novel. De incest. nupt. in princi. l. fin. Cod. eod. sit. can. Nec sam xxxv. q. 2. quasi in his nuptiis minimè adsit cestus, id est cingulum illud, quo Venus ad nuptias honestas utebatur, Covar. 4. Decretal. p. 2. cap. 6 §. 8. Virginum vero Deo consecratarum conjunctio non solum incesta, sed & sacrilega est & dicitur, can. Si quis sacro xxvii. q. 1.

Pœna incestus simplicis, id est absque matrimonio, de jure Digest. eadem est, qua adulterii, l. Si quis viduam D. De questionibus, non etiam de jure Codicis, nisi cum alia specie fornicationis, committatur, putacum adulterio vel stupro, Iul. Clarus, §. Incestus quia licet jure Codicis aucta sit pœna adulterii, non tamen pœna incestus.

2. Incestarum vero nuptiarum in honestis quidem personis, facta separatione, una cum infamia, pœna est exilio, & bonorum publicatio, ipso scilicet jure, à die commissi criminis, dummodo non superfluit liber ex alio matrimonio; in vilibus vero additur corporis coercitio, Novel. 12. De incest. nupt. & l. 4. Cod. eod. Covar. d. loco. A pœna tamen amissionis bonorum, jure novissimo statuta, excusat ignorantia juris aut facti, etiam ex lata culpa contingens. Covar. d. loco.

In eum vero, qui Virginem Deo consecrata, jungendi matrimonii causa, vel saltem intentarit, capitalis pœna constituta est, l. Si quis non dicam Cod. De Epist. & Clericis. Adde Novel. 12. 3. § penul.

3. De jure Canonico Clericus, de incestu accusatus & infamatus, deponendus est & beneficiis privandus, Jul. Clarus d. loco. Eodem jure omnis incestus macula pollitus, si quidem scienter, infamis est; neque sacerdotes neque legitimè conjunctas personas accusare potest, can. Consanguineorum 111. quæst. 4. Estque excommunicatus ipso jure, Clement. unica, De consanguinitate, à qua tamen excommunicatione per Episcopum absolvitur, Glof. ibid. & à se invicem separandi sunt, d. Clement. unica 8. 1. & c. Non debet sup. De consanguinitate. Altero que morte prævento alter, quamdiu vivit, gra-

viter pœnitere debet absque spe conjugii cum alia, can. Quidam cum aliquo se g. xxii. 1. q. 7. can. fin. xxxv. q. 8. & alii, e. 2. & 8. sup. Deo qui cognovit consanguinitatem. Quamquam si contraxit cum alia, subsistat matrimonium, quia tantum est impedimentum impediens, non autem dirimens.

Qui vero, contraxerit ignorantes incestas nuptias miti arbitrio Judicis, puniendus est; sicut & is, qui ab initio bona fide contraxit, sed postmodum, detecta consanguinitate vel affinitate, nihilominus perseveravit, non incidit pœnas incestus, à legibus & Canonibus impositis Glof. in d. Clement. unicam ad V. Scunir. & Clar. d. §. Incestus n. 9. At qui scienter matrem & filiam, aut duas sorores germanas carnaliter cognoverit; sicut & mulier, quæ patri & filio, aut duobus fratribus germanis, sui copiam fecerit, pœna ultimi supplicii plecti jubetur, ex Constitutione Sixti V. Bajard, in Addit. ad Iul. Clar. d. §. Incestus n. 10.

Denique filii nati ex incestuosis complicitibus, scienter factis, non censentur legitimi, nec parentibus succedunt, can. unico xxxviii. q. 7. l. § quæ & Anth. Incestus Cod. De incestu nuptiis.

TITULUS XVII.

De Raptoribus & incendiariis & violatoribus Ecclesiasticorum.

§. I.

De Raptoribus Virginum.

1. Raptus in quo à Stupro differat.
2. Sponsus rapiens sponsam violentem non est raptor.

Sequitur in Decalogo post homicidium & adulterium de furto, ac proinde de eo quoque hic agendum esset; verum quia raptus est medium quoddam inter adulterium & furtum, cum & rapina dicatur improbum furtum, & raptus nihil sit aliud, quam abductio violenta virgi-

virginum ad stuprum : idcirco hoc sit. Pont. de raptoribus tum corporum, tum rerum & bonorum, simulque de incendiariis & violatoribus seu raptoribus Ecclesiastum.

1. Raptus in genere hoc loco est mulieris ; virginis seu viduae, seu Monialis, vel nuptiae agt etiam masculi, libidinis causa, abductio. Differat a Stupro, quod Raptus vim includat, sive causat soli raptae, sive iis, quorum potestati subest, ut parenti, marito, sposo, curatori sive iuris que, l. unica Cod. De raptis virg. can. De raptoribus xxxvi 1 q. 1. Vim autem habent etiam persuasoria verba, l. 1. §. persuadere D. De servo corrupto : adeoque Solon magis cum punivit, qui verbis pellebatur mulierem, quam qui vi abduxisset, teste Plutarcho, in Solone. Insuper potest habere locum in corrupta. At vero Stuprum tantum habet locum in integra, & fieri potest absque ullo raptu ; sicut & raptus fieri potest circa violationem, quia sufficit eo sine esse raptam.

Dixi, libidinis causa, quia si redigendi in servitatem & dominii vindicandi causa sit abductio, dicitur plagium, non raptus.

2. Duxi, abductio ; quia si in loco violetur, non dicitur propriè raptus, sed vim seu stuprum passa : licet generaliter id etiam raptus vocetur.

Quamvis autem sponsus de praesenti vel futuro rapiens sponsam suam, de illius consensu, sed invicis ejus parentibus, non dicatur raptor de jure Canonico, cap. Cum causa 6. hoc ut, eo quod sponsus ex despontione aliquid juris in sponsam habeat, (raptusque non dicatur admissi, in d. cap. Cum causa, ubi ante de nuptiis nihil est actum) tamen dicitur raptor de jure Civili, l. unica Cod. De raptis virg.

§. II.

De poenis raptus.

1. Pena raptus est capitalis de jure Civili.
2. Eodem jure interdictum matrimonium inter raptorem & raptam.
3. Non vero jure Canonico.
4. Alio pena ex eodem jure.
5. Concil. Trid. decretum de haeres.

Oo 3

aut

1. Ex civilis raptorē puellæ vel mulieris, ho-
uestæ, sive nuptæ, sive innuptæ, & maxi-
mè si Deo fuerint dedicatæ virgines vel viduæ,
ultore ferro, id est capititis supplicio persequitur,
cum bonorum ademptione, quæ addicuntur
raptæ, vel alii, juxta ordinem, d. l. unica Cod. De
raptis virg. Novel. 143. De raptis mulierib, & No-
vel 150. De ea qua raptoris suo nubis. Adde can. Si
quis rapuerit xxvii 1 q. 1. Deprehensi veđi in ip-
so rato & fragrantii adhuc cuimine tam raptores
quam qui eis auxilium præstarent, possunt à
parentibus vel aliis coniunctis personis, item à
tutoribus vel curatoribus raptæ impunè occidit.

2. Insuper jure Civili interdictum matrimonio
num inter raptorem & raptam d. l. unica. si-
cut & olim jure Pontificio can. Placuit, can. De
puellis xxxvi. q. 2. Quod tamen posteriori jure
Decretalium mutatum est, c. ult h. tit. ut pare-
bit ex jam dicendis. Cæterum raptui mulieris
inhonestè viventis seu meretricis nulla jure Ci-
vili statuta est poena, seuericta est arbitaria
& extraordinaria. Vide Menoch. De arbitri. casu
101 Jul. Clarum §. Raptus n. 6. Covar. hb. 3.
Var. resol. c. 13. n. 2.

Jure igitur Canonico, hodie raptor raptam
habere uxorem non prohibetur, d. cap. ult hoc sit,
dummodo raptæ a raptore separata, & in loco
tuto ac libero constituta, extra potestatem rap-
toris, liberè dein consentiat in matrimonium.
Alioquin quamdiu in potestate manet raptoris,
nulum inter eos potest consistere matrimonium,
Concil. Trid. Sess. 24 cap. 6. De reformat. ma-
trim.

3. Præterea raptorem alienæ sponsæ Cano-
nes publica penitentia mulcent, jubentque
manere sine spe conjugii, can. Raptor. 33. & can.
seq. xxvii. q. 2. sique impedimentum matri-
monii non est dirimens, sed impediens : quod
tamen in quibusdam locis non est in usu, Na-
var. in Manuali c. 22. n. 74.

Quin etiam ob immanitatem facinoris &
violentie, si ea intervenierit, raptor mulieris
mortu vel membro aliquo mutilari potest :
quamvis Judeus Ecclesiasticus hanc penitentiam in-
fligere non valeat. Sed eam regiæ potestati re-
servare debent. Vel mortis aut mutilationis
impunitate concessa raptor sit servus raptæ,
eum potestate ramen seipsum redimendi, sol-
yendo libertatis pretiū, competens aut mulieri

aut patri ejus, *can. De raptorib. xxxvi 1. q. 1.*
 5. Insuper tam raptor, quam ejus factores incidunt in excommunicationem, *can. Raptori& alii xxxvi q. 2.* sententiae non quidem late, sed ferendae *can. 1. & seq. ibid. Conc. verò Trid. d. loco,* statuit, ut etiam secuto matrimonio inter raptorem & rapram, nihilominus & raptor ipse, omnesque illi consilium, auxilium, & favorem praebentes, sicut ipso jure excommunicati, ac perpetuo infames, omniuumque dignitatum incapacem, & si Clerici fuerint, de proprio gradu deciderant; teneaturque præterea raptor mulierem raptam, sive eam duxerit, sive non, decenter arbitrio Judicis dotare.

§. III.

De Raptoribus rerum, atque incendiariis.

1. *Rapina quid sit, ejusque pœna de jure Civili.*
2. *Ratione rapina, quis sortitur forum in loco delicti.*
3. *Pœna violantis ac spoliantis Ecclesiam est excommunicatio.*
4. *Constitut. Pontif. adversus occupatores & detentores honorum Eccles.*
5. *Item adversus depradatores nanfragorum.*

Differt rapina à furto eodem fere modo, quo stuprum à raptu, quia rapina & raprus est contrectatio & abductio violenta, furum verò plerumque occultè fit, ut & stuprum defloratio est virginum plerumque fraudulenta.

1. Rapina igitur, prout à furto specialiter dicto distinguitur, est violenta & manifesta rei alienæ in virto domino contrectatio, *l. Si vendideno D. Defurtis.* Per hoc enim, quod dicitur, violenta & manifesta, excludetur furum: propriaque inde actio nascitur vi bonorum raptorum. Pœna rapinæ de jure Civili, rei etiam minimæ, inter annum utilem, est quadrupli, *Institut. De vi bon. raptorum §. 1.* Non tamen totum quadruplum est pœna veluti in furto manifesto, sed in quadruplo inest rei persecutio; & pœna tantum est tripli, sive manifestus sit, sive non manifestus, id est sive deprehendatur raptor in ipso delicto, sive non. Nec tamen pejoris conditionis est fur, quam si raptor, quia li-

cet quoad hanc pœnam pecuniariam gravius puniatur fur manifestus, quam raptor, tamen quod alia, & in genere multo gravius punitur raptor, quippe qui de vi etiam publica vel privata teneatur: qua de re videi possunt, quæ latius tradunt interpp. *Ad D. & Instit. b. t. quo lectio rem remitto.*

2. Illis verò ex hoc Tit. addere ista operæ premium est, raptore rerum de loco ad locum iter faciunt, viasque obseruant, ut rapinas & deprædationes agant, ratione delicti locuti forum ejus loci, in quo deliquerint; ideoque à qualibet iudice, in cuius territorio deprehensi fuerint, puniri posse, *e. i. b. t.* Pœnam tamen singulis insigite non potest. *Judex Ecclesiasticus,* licet de raptu, & aliis criminibus, ex delegatione Principis cognoscere & judicare possit, *e. 4. b. t.*

3. Quod si quis raptor fuerit manifestus, vel violator Ecclesie, veluti si coruiperit vel polluerit Ecclesiam, vel prædicta ejus invaleat, si eidem vim intulerit, ostia frigescit, vel privilegia infregit, aut aliis modis, *de quatuor xvii. q. 4. per se* eam violaverit, ipso jure subiecta excommunicationi, negato etiam præventione ac sepultræ beneficio, nisi prius ablata reliquerit vel caverit de restituendo. Si verò tenaciter, dum potest moriensque non possit, cum vult, negari quidem viaticum vita & sepultræ non debet, utrum sepultræ ejus nulli Clericis terete possum, circa ordinis sui damnum & beneficii Ecclesiastici privationem, *cap. 2. b. t.* Vide Covat. lib. 3. *Par. q. resolut. cap. 3. num. 9.* ubi tradit, quando & qualiter prædicta cauio præstanta sit.

4. Refert hic possunt variorum Pontificum Constitutiones, nempe Clementis VI. Leonis X. Pauli IV. Pii IV. adversus invasores & occupatores honorum Ecclesie, quas recitat Perr. Matth. in vii. *Decretal. lib. 2 tit. 2.* è quibus Leo X. specialiter insurgit in Principes occupantes bona Ecclesiastica; & eorum libertati derrahentes: cu us decretum confirmasse Hadriani VI. Clementem VII. Jul. III. & Pium IV. testatur P. Matth. d. loco. Recit proinde mandat Conc. Mechlinien. 1607. tit. 22. cap. 12. ut decretum Concil. Trid. Sess. 22. t. 11. adversus occupatores honorum Ecclesiasticorum, seu ad quæcunq; alia pia loca spectantiū subinde populo per concessionatores inculceret. Spe-

5. Specialiter vero de spoliatoribus fidelium ne-
gotiantium, navigantium & naufragorum, ita-
rum fuit in Conc. Lateran sub Alex. III. tales
excommunicandos esse c. 3. b. t. quæ excommu-
nicatio hodie reservata est summo Pont. per
Bulam Cœnæ Domini. Extantque ea de re
Constitutiones Julii III. & Pauli III apud P.
Matth. lib. 2. tit. 14. Pii V Gregorii XIII apud
Zerolam 2 p. V. **Naufragum.** Planè Julius III.
eadem excommunicationem hujusmodi rap-
toribus infligit, & bona fide consilium auxili-
umque naufragis impertientes indulgentiis do-
bat. Dictam autem excommunicationem evi-
tant, inquit Zerola *d. loco*, primò qui bona nau-
fragorum suscipiunt, animo restituendi ea suo
domino, nisi fuerint in mora, secundò quando
ignorat bona esse naufragorum, tertio, quan-
do domin⁹ ea ejecit animo non recuperandi, vel
pro derelictis habuit; quod non præsumitur,
cum nemo præsumatur jactare suum: adeoque
lex de confiscatione bonorum naufragantium
esset tyrranica, inquit Zerola *d. loco*. Quod enim
ius habet fisus, inquit Constantin. Imp. l. 1. Cod.
de naufragiis lib. 11. in aliena calamitate, ut in re
tam luctuosa compendium se feretur.

Quarum ad incendiarios attrinet, si sunt vel
Ecclesiarum seu rerum Ecclesiasticarum, qui
se licet dolo malo in Ecclesiam vel alia pia loca
ignem injecerunt, & tales ultra damni restitu-
tionem excommunicati sunt ipso facto; vel re-
rum profanarum, & excommunicandi sunt:
factaque publicatione seu denuntiatione ab Ec-
clesia non ab alio absolviri possunt, quam à sum-
mo Pontifice, cap. *Tua nos 19. inf. De sent. excom-*
muni. at. nisi in mortis articulo, quo casu
quilibet sacerdos eos absolvere potest, & abso-
luti sepeliri in cœmetorio seu loco sacro Com-
pelluntur tamen hæredes ad satisfaciendum,
quatenus facultates defuncti ferunt illis, qui per
incendium damaum passi sunt, ut saluti animæ
consulatur, cum non dimittatur peccatum, nisi
restituatur ablatum, cap. In litteris 5. b. t. Quod a-
liber se haber de jure Civili, quo delicta cum
persona defuncti extinguuntur, l. Defuncto D.
De publ. judicie, l. Sancimus Cod. de penit. Vide
Covar. lib. 3. Var. resol. cap. 3. n. 7. vers. Tertio in-
*quirendum. Eodem jure incendiarii qui ob ini-
nitias vel prædæ causa intra oppidum ignem*
in domum aliquam vel alium locum intulerint,

capite puniuntur, & plerumque vi exuruntur, l.
Capitulum 28. §. incendiarii 12. D. De penit.
Quæ poena hodie apud nos recepta est, teste
Damhoud. in *Brazi Crimin. cap. 95.*

TITULUS XVIII.

De Furtis.

§ I.

Furti definitio enucleata.

1. *Furtum unde dicatur, & quid Furti nomine ve-*
niat.
2. *Furtum & rapinam specie distingui.*
3. *Furti definitio enucleata.*

Cum viderimus de raptoribus seu raptr, qui
est species furti; Insist. de vilion rapti in princi-
pium sequitur ut agamus de furtis in genere coque
magis, quod ut ante diximus, ex iure Decalogi
furtum subjungatur homicidio & adulterio.

1. Ubi præmittendum primo, Furtum dici
vel à Furvo, id est nigro, ed quod clam & obscu-
re fiat, & plerumque nocte, vel à Fr. uide, vel à
ferendo, vel à Græco sermone, qui φόρπει fures
appellant, similiter à Ferendo, l. 1. D. b. 1. Alciat.
1 Disput. cap. 19. Secundò, quamlibet illicitam
rei alienæ acceptiōem sive occupationem ge-
neraliter vocati Furtum & Rapinam, can. Si quid
xix q. 5 ubi dicitur, Si quid invenisti & non red-
didisti, rapisti Sic Exod 20. & in Decalogo dum
prohibetur furtum, omnis iniqua rei alienæ u-
suriō, sive sit furtum, sive rapina, sive ulura,
sive alia, nomine furti intelligenda est

2. Alias furtum & rapina distinguuntur, tam-
quam duas distinctas species, ut patet ex Justi-
niano luf. De obligat. qua quasi ex delicio nascun-
tur in princip. ubi hæc quatuor Furtum, Rapi-
nam, Damnum, Injuriam, separatis enseruat
satis indicans illa natura & specie distingui: &
ex Juriscons. in l. 2 § finire D. De vi honor. rapt.
ubi ait, non minimam esse differentiam inter
eum, qui clam facit, & eum, qui vi rapit: idem
que probatur ex Philosopho lib. 5. Ethic cap. 2.
circa finem: & denique hac ratione, quia furtum
ex sua ratione dicit acceptiōem rei alienæ,
slam